



Broj: 06-1-07-3-4755/22
Sarajevo, 30.11.2022. godine
(E.K)

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22 i 67/22), Centralna izborna komisija Bosne i Hercegovine je na 89. sjednici, održanoj 30.11.2022. godine, donijela

O D L U K U

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Tuzlanskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Tuzlanskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista SDP – Socijaldemokratska partija BiH osvojila je **pet (5)** glasova- dobila je jedan (1) mandat,
2. Kandidatska lista poslanika Zukić Muamera osvojila je **pet (5)** glasova- dobila je jedan (1) mandat,
3. Kandidatska lista poslanika Alić Senada osvojila je **pet (5)** glasova- dobila je jedan (1) mandat,
4. Kandidatska lista poslanika Hajdarević Izena osvojila je **pet (5)** glasova- dobila je jedan (1) mandat,
5. Kandidatska lista poslanika Hasić Asmira osvojila je **četiri (4)** glasa, nije dobila mandat,
6. Kandidatska lista poslanika Šišić Damira osvojila je **četiri (4)** glasa, dobila je jedan (1) mandat.

b) Kandidatske liste iz reda hrvatskog naroda:

1. Kandidatska lista poslanika Krešić Borisa osvojila je **dva (2)** glasa- nije dobila mandat,
2. Kandidatska lista poslanice Banović Silve osvojila je **dva (2)** glasa- dobila je jedan (1) mandat.

c) Kandidatske liste iz reda srpskog naroda:

1. Kandidatska lista Socijaldemokratske partije BiH osvojila je **jedan (1)** glas- dobila je jedan (1) mandat,
2. Kandidatska lista poslanika Vujović Žarka osvojila je **jedan (1)** glas- dobila je jedan (1) mandat.

d) Kandidatske liste iz reda Ostalih:

1. Kandidatska lista poslanice Imširović Sandre osvojila je **jedan (1)** glas- dobila je jedan (1) mandat.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Tuzlanskog kantona delegatima:

1. Hadžić Dževad- Bošnjak
2. Zukić Muamer - Bošnjak
3. Alić Senad - Bošnjak
4. Hajdarević Izen – Bošnjak
5. Šišić Damir - Bošnjak
6. Banović Silva- Hrvat
7. Ilić Slađan – Srbin
8. Vujović Žarko – Srbin
9. Imširović Sandra - Ostali

O b r a z l o ž e n j e

Skupština Tuzlanskog kantona dostavila je Centralnoj izbornoj komisiji Bosne i Hercegovine, dana 22.11.2022. godine, akt broj: 01-02-603/22 od 21.11.2022. godine, te u prilogu akta cjelokupan izborni materijal u vezi s provedenim posrednim izborima za Dom naroda Parlamenta Federacije Bosne i Hercegovine iz Tuzlanskog kantona, koji čine: Izvještaj Komisije za izbor i imenovanje Skupštine Tuzlanskog kantona, birački spisak za izbor delegata u Dom naroda Parlamenta Federacije Bosne i Hercegovine i glasački listići sa izbora delegata iz Tuzlanskog kantona u Dom naroda Parlamenta Federacije Bosne i Hercegovine.

U skladu s članom 21. stav (3) tačka c) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, broj: 75/22), bira se ukupno 10 delegata i to pet (5) iz reda bošnjačkog naroda, jedan (1) iz reda hrvatskog naroda, tri (3) iz reda srpskog naroda i jedan (1) iz reda Ostalih.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu s članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu s najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

a) Kandidatske liste iz reda bošnjačkog naroda:

1. Kandidatska lista SDP – Socijaldemokratska partija BiH osvojila je **pet (5)** glasova
2. Kandidatska lista poslanika Zukić Muamera osvojila je **pet (5)** glasova,
3. Kandidatska lista poslanika Alić Senada osvojila je **pet (5)** glasova,
4. Kandidatska lista poslanika Hajdarević Izena osvojila je **pet (5)** glasova,
5. Kandidatska lista poslanika Hasić Asmira osvojila je **četiri (4)** glasa,
6. Kandidatska lista poslanika Šišić Damira osvojila je **četiri (4)** glasa.

b) Kandidatske liste iz reda hrvatskog naroda:

1. Kandidatska lista poslanika Krešić Borisa osvojila je **dva (2)** glasa,
2. Kandidatska lista poslanice Banović Silve osvojila je **dva (2)** glasa.

c) Kandidatske liste iz reda srpskog naroda:

1. Kandidatska lista Socijaldemokratske partije BiH osvojila je **jedan (1)** glas,
2. Kandidatska lista poslanika Vujović Žarka osvojila je **jedan (1)** glas.

d) Kandidatske liste iz reda Ostalih:

1. Kandidatska lista poslanice Imširović Sandre osvojila je **jedan (1)** glas.

Za dvije kandidatske liste iz reda bošnjačkog naroda za dodjelu preostalog jednog (1) mandata iz reda bošnjačkog naroda: kandidatska lista poslanika Hasić Asmira i kandidatska lista poslanika Šišić Damira utvrđeno je da imaju identičan količnik (4,00) i dvije kandidatske liste iz reda hrvatskog naroda za dodjelu jednog mandata iz reda hrvatskog naroda: kandidatska lista poslanika Krešić Borisa i kandidatska lista poslanice Banović Silve utvrđeno je da imaju identičan količnik (2,00).

U skladu s članom 10.15, a u vezi s članom 9.5 i 9.8 stav (1) Izbornog zakona BiH i poglavljem II. Uputstva o dodjeli i prestanku mandata („Službeni glasnik BiH“ br. 27/22 i 77/22), ukoliko kandidatske liste imaju identične količnike mandat se dodjeljuje putem žrijeba.

Centralna izborna komisija Bosne i Hercegovine je dana 30.11.2022. godine provela javno žrijebanje za dodjelu mandata kandidatu iz reda bošnjačkog i iz reda hrvatskog naroda.

Nakon provedenog javnog žrijebanja kandidatska lista poslanika Šišić Damira, dobila je mandat iz reda bošnjačkog naroda i kandidatska lista poslanice Banović Silve iz reda hrvatskog naroda dobila je mandat u Domu naroda Parlamenta Federacije BiH.

Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamenta FBiH iz Tuzlanskog kantona, Centralna izborna komisija Bosne i Hercegovine je, u skladu s članom 2.9 stav (1) tačka 9, a u vezi s članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu s članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Dostaviti:

1. Skupština Tuzlanskog kantona
2. a/a

